

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINA ILIJAŠ  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
CANTON SARAJEVO  
Municipality of Ilijaš  
MAYOR OF MUNICIPALITY

OPĆINSKI NAČELNIK

---

## ODLUKA

### *o osnivanju Općinskog štaba civilne zaštite Općine Ilijaš*

Ilijaš 2022. godine



**OPĆINSKI NAČELNIK**

*Na osnovu člana 29. tačka 5. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", br. 39/03, 22/06 i 43/10), član 13. tačka 10. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća za područje Općine Ilijaš („Službene novine Kantona Sarjevo“ broj: 20/09 i 45/22) i člana 106. Statuta Općine Ilijaš – prečišćeni tekst ("Službene novine Kantona Sarajevo", broj 20/09 i 46/18), Općinski načelnik **donosi**:*

## **ODLUKU**

### **o osnivanju Općinskog štaba civilne zaštite Općine Ilijaš**

#### **I. OSNOVNE ODREDBE**

##### **Član 1.**

Ovom Odlukom osniva se Općinski štab civilne zaštite Općine Ilijaš (u daljem tekstu: Općinski štab), kao stručno-operativni organ Općine Ilijaš, za zaštitu i spašavanje ljudi i materijalnih dobara od prirodnih i drugih nesreća, uređuje njegov djelokrug rada, unutrašnja organizacija, popuna, finansiranje, opremanje, obučavanje i osposobljavanje, te druga pitanja od značaja za organizaciju i rad Općinskog štaba.

#### **II. NADLEŽNOSTI OPĆINSKOG ŠTABA I NAČIN OSTVARIVANJA FUNKCIJE**

##### **Član 2.**

Općinski štab je stručno-operativni organ koji je ovlašten za vršenje poslova koji su mu Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH" br. 39/03, 22/06 i 43/10) (u daljem tekstu : Zakon), Zakonom o zaštiti od požara i vatrogastvu ("Službene novine FBiH " br. 65/09), kao i drugim propisima koji regulišu ovu oblast stavljeni u nadležnost.

U vršenju poslova iz svojih nadležnosti, Općinski štab, funkcioniše onda kada, Općinski načelnik proglasi nastanak prirodne ili druge nesreće, odnosno kada treba preventivno djelovati prije nastanka prirodne i druge nesreće, kao i za vrijeme vježbi civilne zaštite, a u ratu funkcioniše stalno.

Kada ne postoje prirodne ili druge nesreće, Općinski štab svoje funkcije ostvaruje povremeno, prema potrebi i to onda kada razmatra stanje priprema, organizovanosti, opremljenosti i osposobljenost za zaštitu i spašavanje svih nosilaca zaštite i spašavanja na području Općine Ilijaš i



### OPĆINSKI NAČELNIK

predlaže mjere za dogradnju sistema zaštite i spašavanja, kad djeluje preventivno u cilju sprečavanja nastajanja prirodne ili druge nesreće i učestvuje u vježbama i drugim vidovima obučavanja i osposobljavanja.

#### Član 3.

Izuzeto od odredbe člana 2. ove Odluke, Općinski štab se aktivira i u slučaju kada prijete neposredna opasnost od nastanka prirodne i druge nesreće na području Općine Ilijaš u cilju preventivnog djelovanja i preduzimanja mjera na sprečavanju nastanka te opasnosti, nesreće ili ublažavanju njenog djelovanja i funkcionira dok takva opasnost postoji.

#### Član 4.

Općinski štab odlučuje o pružanju pomoći štabovima civilne zaštite drugih općina na njihov zahtjev i traži pomoć od tih štabova kada se ukaže potreba za tom pomoći.

### III. ORGANIZACIJA I SASTAV OPĆINSKOG ŠTABA

#### Član 5.

Općinski štab se sastoji od: komandanta, načelnika štaba i članova štaba (u daljem tekstu: članovi štaba).

#### Član 6.

Komandant Općinskog štaba, po položaju je Općinski načelnik ili rukovodeći državni službenik koji zamjenjuje načelnika općine.  
Načelnik štaba civilne zaštite, po položaju je pomoćnik načelnika civilne zaštite.

#### Član 7.

Sekretar ili predsjednik općinske organizacije crvenog križa Općine Ilijaš po položaju je član Općinskog štaba.

#### Član 8.

Za članove Općinskog štaba postavljaju se rukovodioci općinskih službi za upravu, rukovodioci javnih preduzeća i drugih organa i institucija čija je djelatnost od značaja za zaštitu i spašavanje i to:



OPĆINSKI NAČELNIK

rb	Pozicija:
1	Rukovodilac ili ovlaštena osoba službe za privredu i finansije
2	Rukovodilac ili ovlaštena osoba službe za saobraćaj, stambeno-komunalne poslove i građenje
3	Rukovodilac ili ovlaštena osoba službe za zajedničke poslove
4	Rukovodilac ili ovlaštena osoba službe za društvene djelatnosti i poslove MZ
5	Zaposlenici Službe civilne zaštite
6	Rukovodilac ili ovlaštena osoba policijske stanice Ilijaš
7	Rukovodilac ili ovlaštena osoba JKP "Vodostan" Ilijaš
8	Rukovodilac ili ovlaštena osoba JKP "Rad"- R.J. Ilijaš
9	Rukovodilac ili ovlaštena osoba OJ Doma zdravlja Ilijaš
10	Rukovodilac ili ovlaštena osoba PVB ispostava Ilijaš
11	Rukovodilac ili ovlaštena osoba Crvenog križa općine Ilijaš
12	Rukovodilac ili ovlaštena osoba KJP "Sarajevo šume" d.o.o.

Ostale članove čine službenici i namještenici koje odredi načelnik štaba, a koji izravno obavljaju poslove zaštite i spašavanja i poslove zaštite od požara.

**Član 9.**

Načelnika i članove Općinskog štaba postavlja i razrješava Općinski načelnik na prijedlog pomoćnika načelnika Službe civilne zaštite koji je dužan obezbijediti dosljednu primjenu kriterija iz odredbe člana. 8 ove Odluke.

Općinski štab ima zapisničara, koji obavlja administrativno-tehničke poslove za potrebe istog, kojeg posebnim riješenjem određuje komandant Općinskog štaba iz reda uposlenika općinskih službi.

**Član 10.**

Općinski štab vrši poslove iz svoje nadležnosti samostalno i za svoj rad odgovoran je Općinskom načelniku.

**Član 11.**

U izvršavanju složenijih zadataka zaštite i spašavanja Općinski štab može angažovati i druge državne službenike iz općinskih službi za upravu i eksperte na profesionalnom radu u naučnim institucijama i drugim pravnim licima.

U angažovanju lica iz stava 1. ovog člana, odlučuje komandant Općinskog štaba na prijedlog





**OPĆINSKI NAČELNIK**

načelnika Općinskog štaba.

**Član 12.**

Sjednice Općinskog štaba saziva i njima predsjedava komandant Općinskog štaba.

U slučaju da je komandant spriječen da vrši svoju funkciju, sjednice Općinskog štaba saziva i njima predsjedava načelnik Općinskog štaba.

Općinski štab civilne zaštite donosi Poslovnik o radu Općinskog štaba.

**Član 13.**

Općinski štab ima svoj pečat koji se izdaje u skladu sa Zakonom o pečatima ("Službene novine FBiH" br.2/94 i 21/96).

**Član 14.**

Sjedište Općinskog štaba je u Ilijašu, a sjednice se održavaju u mjestu određenom u Poslovniku o radu Općinskog štaba.

**V. OPREMANJE I FINANSIRANJE OPĆINSKOG ŠTABA**

**Član 15.**

Općinski štab se oprema odgovarajućom opremom i materijalno-tehničkim sredstvima koja su neophodna za ličnu zaštitu članova štaba i za izvršavanje zadataka iz njegove nadležnosti.

**Član 16.**

Sredstva za finansiranje Općinskog štaba obezbjeđuju se u budžetu općine, kao i sredstva općine po članu 180 Zakona, koja služe isključivo za namjene iz člana 184. tačka. 2. ovog zakona. Sredstva potrebna za rad Općinskog štaba, kao i finansijski plan, utvrđuje štab. Naredbodavac za finansijska sredstva je komandant štaba, a u slučaju njegove spriječenosti načelnik štaba.

**VI. PRELAZNE I ZAVRŠNE ODREDBE**

**Član 17.**

Imenovanje komadanta, načelnika i članova Općinskog štaba izvršit će se najkasnije u roku od 15 dana od dana stupanja na snagu ove Odluke.





OPĆINSKI NAČELNIK

Član 18.

Danom stupanja na snagu ove Odluke, prestaje da važi Uredba o Općinskom štabu civilne zaštite ("Službenim novinama Kantona Sarajevo" broj: 27/18).

Član 19.

Ova Odluka stupa na snagu danom donošenja, a ista će biti objavljena u "Službenim novinama Kantona Sarajevo".

Broj: 01/2-40-2667/22

Datum: 11. 11. 2022 godine

OPĆINSKI NAČELNIK

  
Akif Fazlić, dipl. ecc.